

**Trgovina „Borac“ d.d.  
TRAVNIK  
- Nadzorni odbor -**

Broj: NO-23/22-2  
Datum: 27.07.2022.godine

Na osnovu člana 66. Zakona o privrednim društvima („Službene novine Federacije BiH“ broj 81/15 i 75/21), na osnovu prijedloga Uprave, Nadzorni odbor Otvorenog dioničkog društva Trgovina „BORAC“ Travnik, na 108. sjednici od 27.07.2022. godine donosi

**ODLUKU  
O NAMJERAVANOJ REORGANIZACIJI - PODJELI PRIVREDNOG DRUŠTVA  
Otvoreno dioničko društvo Trgovina „BORAC“ Travnik**

**Član 1.**

Otvoreno dioničko društvo Trgovina „BORAC“ Travnik, sa sjedištem u Travniku, ul. Tvornička bb, Travnik, ID: 4236155330005, upisano u registru Općinskog suda u Travniku MBS: 51-02-0062-09, i osnovnim kapitalom u iznosu od 14.954.180 KM, namjerava izvršiti reorganizaciju.

Reorganizacija društva će se izvršiti statusnom promjenom podjele društva razdvajanjem sa osnivanjem na dva dionička društva:

1. Otvoreno dioničko društvo „BORAC“ Trgovina Travnik sa sjedištem u Travniku, ul. Tvornička bb (skraćena firma: „BORAC“ Trgovina d.d. Travnik),
2. Otvoreno dioničko društvo „WIAD-KOM“ Travnik, sa sjedištem u Travniku, ul. Bosanska bb, Travnik (skraćena firma: „WIAD-KOM“ d.d. Travnik).

**Član 2.**

Razlozi za namjeravanu reorganizaciju su detaljno obrazloženi u Planu reorganizacije od 29.06.2022. godine.

**Član 3.**

Namjeravana reorganizacija provođenjem statusne promjene podjele društva u skladu sa odredbama Zakona o privrednim društvima. Dioničari Otvorenog dioničkog društva Trgovina „BORAC“ Travnik koje se dijeli će steći dionice u novim društvima srazmjerno učešću koje su imali u društvu koje se dijeli, u skladu sa Planom reorganizacije.

**Član 4.**

Uprava društva je sačinila Plan reorganizacije-podjele društva, a Nadzorni odbor usvojio kao pravno-ekonomsku podlogu za donošenje odluke o podjeli društva. Nakon objavljivanja ove odluke u sredstvima javnog informisanja u predviđenom zakonskom roku Skupština Otvorenog dioničkog društva Trgovina „BORAC“ Travnik će odlučivati o podjeli društva razdvajanjem sa osnivanjem dva nova društva.

**Član 5.**

Statusne promjene podjele društva sprovesti će se sa učinkom na dan 31.12.2021. godine, tako da se Plan reorganizacije temelji na finansijskim izvještajima društva na dan 31.12.2021. godine.

**Član 6.**

Danom upisa društava sljednika u sudski registar Općinskog suda u Travniku, Otvoreno dioničko društvo Trgovina „BORAC“ Travnik prestaje postojati bez provođenja postupka likvidacije. Društva sljednici će biti solidarno odgovorni za obaveze Otvorenog dioničkog društva Trgovina „BORAC“ Travnik, tj. društva prednika.

**Član 7.**

U skladu sa članom 66. Zakona o privrednim društvima, obavještavaju se i pozivaju povjerioci društva da u sjedištu društva u ulici Tvornička bb, Travnik mogu izvršiti uvid u prijedlog Plana reorganizacije i sve njegove priloge.

**Član 8.**

Ova odluka stupa na snagu danom donošenja i objavit će se u dnevnim novinama.

Predsjednik Nadzornog odbora:

-----  
Martin Vrebac s.r.